

Juncker Georg Friderichen von der Thanne zu Röten/ ic.
so dann der auch Edlen vnd Vieltugentreichen Frawen
Maria geborner von Liechtenstein / ic. vor ohngefährlich
31. Jahren in diese Welt geboren.

Dieweil er aber/ so wol als andere Menschen / wegen
der leiblichen sündlichen Geburt von Natur ein Kind des
Zorns gewesen/ ist er/ durch getrewe Fürsorg seiner Christ=
lichen Eltern/ in der heiligen Tauff/ als dem von Gott ver=
ordneten Mittel vnd seeligen Bad der Widergeburt vnd
Ernewerung des heiligen Geistes / von Sünden abgewa=
schen / geheiligt / vnd in den Gnadenbund Gottes auffge=
nommen worden.

Es haben auch die Adeliche fromme Eltern/ bey auff=
erziehung dieses von dem Allmächtigen ihnen beschehrten
lieben Sohns / an ihrem möglichen fleiß nichts erwinden
lassen/ sonder dahin getrachtet / das er von Jugend auff zur
wahren Forcht Gottes / Christlichen vnd Adelichen Tu=
genden angehalten / vnd hierin nichts an ihm verfaumbt
werde. Zu dem Ende siehne auff die hohe Schulen / vnd
vor acht Jahren auch nacher Tübingen in das Fürstliche
Neue Collegium geschickt haben.

Welches alles durch Gottes Gnad bey vnserm ver=
storbnen Juncker seeligen nicht vergebens gewesen. Dann
er zu der wahren Christlichen allein seeligmachenden Reli=
gion / so in der ungeänderten Augspurgischen Confession/
vnd Formula Concordiae widerholet vnd erfläret / darinner
auch von Kind auferzogen/ mit Mund vnd Herzen bis an
sein letztes End sich beständig jeder zeit bekennet / Gott vnd
sein h. Wort geliebet vnd gehret hat.

E iii Anno